

12518/B

Libreria Antiquaria
ANGELO GANDOLFI
BOLOGNA

Materia

Scienze VIII

Ubicazione

XL. a

Volumi

1

Prezzo L.

2-

1910

3
D. GEORG. ERN. STAHLII,

Confiliarrii & Archiatri Regii
Borussici Primarii

FUNDAMENTA

C H Y M I C O.

P H A R M A C E U T I C A

G E N E R A L I A.

A C C E S S I T

M A N U D U C T I O

Ad Enchirifes Artis Pharmaceuticæ Specialis.

C U R A


BENIAMIN ROTH-SCHOLTZII

Philos. & Medic. Doct.

V E N E T I I S, MDCCXLI.

Apud Jo: Gabrielem Hertz.

Superiorum Permissu, ac Privilegio.



L. S.



Erlustrabam nuper otiosis ho-
ris Manuscripta è Bibliothe-
ca celebrioris alicujus Medi-
ci emptitio jure mea facta,
reperiebamque non pauca,

quæ sumtuum in ea impensorum pœ-
nitere me non sinerent. Delectabat au-
tem in primis Schediasmate aliquo, exiguo
quidem & paucis tantum constante pla-
gulis, sed adeo terfo, adeoque eleganti
& solido, ut legendo relegendoque illud
vix satiari potuerim. Tam nervose enim,
tam perspicue & sufficienter, *Fundamen-
ta Chymicæ Pharmaceuticæ Generalia* potis-
simaque in illo exposita erant, ut Auto-
ris, tum in arte ipsa scientiam atque ex-
perientiam, tum in illa docenda facilita-
tem atque ordinem satis mirari nequive-

rim. In publicam igitur utilitatem peccaturum mihi videbar, ni publici juris facerem typisque exscribi curarem Schediasma hoc usui eorum, qui Artem colunt Chymico Pharmaceuticam, aptissimum; Cum illi, qui alios in illa erudiunt, filo hocce ad manuducendos suos tyrones, adytæque Artis largius pandenda ac illustranda, commodissime uti; Erudiendi autem uno quasi intuitu primaria & præcipua Fundamenta Artis suæ, ulteriori dein studio ampliandæ & perficiendæ, conspiciere; Eruditi tandem summa Artis jam notæ Capita magno temporis atque laboris compendio repetere & ruminare queant. Nec deerat huic meo desiderio, cum illud rescisceret, Frater Charissimus impensas ad vulgandum opusculum necessarias subministrare paratissimus, si justæ tantum magnitudinis libellus inde emergeret, tam paucis enim plagulis operæ vix precium solutum iri timebat. Quid autem huic adhuc adiungi mereretur nondum reperiebamus, nam licet sua for primo eram, ut Domini RIVINI *Manuductionem ad Chymicam Pharmaceuticam*, tum ob rerum affinitatem

tum ob tractationis concinnitatem & brevitatem omnium lectu dignissimam, adderet; illam tamen jam anno 1718. Lipsiæ, & anno 1720. Norimbergæ apud Hæred. JOH. DAN. TAUBERI cum JOH. FRANCISCI VIGANI *Medulla Chymicæ* & ANONYMI *Chymia Curiosa* uno volumine editam narrabat, actumque agere nolebat. Cum igitur diu sic ritubaremus, en improvise quodam casu, sed faustis tamen avibus, Manuscriptum ei venditur Manu ad Enchirises Chymicæ Pharmaceuticæ, & id quidem vernacula nostra, ducens. Attentius illud etiam rimans Encheireses Artis potissimas tanto candore tantaque perspicuitate in illo traditas videbam, qualem profecto in plurimis aliis hujus generis Commentariis vastisque Voluminibus frustra quæsisseris. Hinc commodo Medicinæ ac Pharmaciæ cultorum optimè inserviturum illud credidi, & ideo ut in gratiam multorum posteriorum, Latinis minus assuetorum, suo excuderetur idiomate Autor sui. Sic igitur salva res erat & pulchre jam fatigabatur prælum utroque Manuscripto, ita ut paucae adhuc exscribendæ restitarent

paginae, cum transiens per oras nostras
amicus, rem fere omnem rursus evertif-
set. Hic enim priores hujus libelli plagu-
las apud me conspiciens perlegensq; STAHL-
LIANA hæc esse statim exclamabat, &
quidem Fundamentorum Autorem STAHL-
LIUM ipsum, Medicum & Chymicum
nostri Seculi clarissimum; Manuductionis
autem quendam ejus olim Discipulum,
ante Pharmaciae, dein Medicinæ cultor-
em, qui hanc Halæ quibusdam Studio-
sis in Calamum dictaverit, asserebat,
nomen autem ipsum nesciebat. Dubita-
re quidem de hoc asserto & nota amici
veracitas, & solida ejus in re medica &
literaria scientia, & ipsa denique Fun-
damentorum Chymiae cum Principiis &
Methodo STAHLIANA Analogia pro-
hibebant, sed non parum etiam circulos
nostros inopinata hæc nova turbabant.
A labore enim ad finem jamjam prope-
rante desistere damnum inde Bibliopolæ
necessario emerfurum dissuadebat, aliorum
autem, & quidem adhuc viventium,
foetus, illis si non invitis, tamen insciis,
in lucem protrudere, & bonis & nostris
adversabatur moribus; Animus quidem
initio

initio erat tam ipsum Ill. STAHLIUM quam alterum Dn. Autorem per literas adire edendique veniam ab illis expetere, sed moram diuturniorem non ferebat prælum, & de responso nos desperare jubebant, tum occupatissimi Viri graviora negocia & publica jam olim Commericii literarii deprecatio, tum alterius nos latens nomen & sedes. Sic diu quid nobis agendum sit dubii hæsitabamus, donec tandem semel jam cæptum, quin ferre finitum, opus protinus perficere nobiscum constitueremus, spe freti, Excell. Domin. STAHLIUM ea, qua jam alios benigne tulit suos ab aliis editos foetus, æquitate & hunc suscepturum esse à nobis protractum; Anonymum autem Dominum Autorem Præceptoris olim sui virtutis pariter ac Doctrinæ æmulatorem futurum eandemque æquitatem ostensurum, cum præsertim finis hic noster primarius sit commodum publicum, cujus sincerum promovendi studium, & ipsi hi Viri doctissimi his ipsis suis utilissimis testantur laboribus. Si quæ etiam præterea irrepsérint erronea aut tantis viris minus digna visa, ea non illis, sed nobis Edi-

toribus, tributa volumus. Laudem autem omnem famamque exinde resultaturam non nobis, sed illis, merito vindicamus. Unde etiam, ne Plagii suspicionem aut viri nobis summopere colendi indignationem incurreremus, Fundamentis præclarum STAHLII nomen præposuimus, idem & Manuductioni promptissimè præfixuri, si genuinum & certum Autoris nomen bona nobis fors detegerit. Quod reliquum est, L. B., opusculis hisce egregiis sedulo utere, nobisque TIBI qualitercunque prodesse conantibus Fave, ipseque Vale.

Herrnstad 1. Calend. Jan.
MDCCXXI.

B. R. S.

THE.

THESES

CHYMICÆ.

1. **C**hymia est Ars Mixtiones Corporum Animalium *Resolvendi* aut *Combinandi*.
2. Mixtio est vel simplex & prima; vel multiplex secunda & ulterior.
3. Illa eminenter & stricte dicitur Mixtio, hæc Compositio & Decompositio.
4. Illa fit è simplicissimorum corpusculorum coalitu, quæ vulgo Principia seu Elementa appellatur; Hæc è Mixtorum s. Principiatorum Conjunctione:
5. Principia sunt Aqua, Ignis in Concreto s. Materia ignescens, & Terra ex veteri appellatione. Aer non ad Mixtionem, sed ad Aggregationem accedit.
6. Accuratius loquendo, sunt Aqua, & tria genera subtilissimarum Terrarum.
7. Illa Fluiditatis humicæ & Mobilitatis elasticæ est fundamentum; Hæc Coalitus in siccam solidam fixam consistentiam.
8. Distinguitur commode hæc trio terrea Principia a posteriori s. effectu in Principium terreo Salinum, Sulphureum, & Metallicum seu Mercuriale.
9. Mixtio semper est intimior & firmior: Compositio laxior.
10. Principia nusquam sensibus sese offerunt pura, sed unice in Mixtis & Compositis quærenda sunt.
11. Un.

11. Unde non educi possunt pura, sed tantum in aliam transpositionem promoveri.
12. Mixta vero è Compositorum Syntasi facilius separantur & seorsim sensibus sistuntur, denuo quoque conjunguntur.
13. Instrumentum Chymiae generale est Motus: Speciale Aer, Ignis, Terra, & Aqua: Specialissimum operationes ipsæ.
14. Recte dividitur Chymia generatim ratione Subjecti & Instrumentorum in Pyrotechnicam, Zymotechnicam, Halotechnicam. Illa Motu igneo, altera aqueo, tertia salino, cum aqua & igne concurrente, perficitur.
15. Generalissima vero universæ Chymiae distinctio ratione Objecti est in Præparatoriam, Separatariam, & Combinatariam.
16. Præparatoria versatur circa rudiores Operationes, quibus Species compositæ & mixtæ ad intimiorem Diacrisin aut Syncrisin ex rudi & confusaneo statu demum prædisponuntur.
17. Ex ita præparatis speciebus separantur demum partes ipsarum constitutivæ, & transponuntur nova syncrisi in certa Mixta & Composita a priori statu multum diversa.
18. Versatur Præparatio vero unice in duabus generalibus Intentionibus, vel in Dissolutione Aggregationis, vel in Segregatione aliorum confusaneorum.
19. Prioris generis sunt omnes Commixtiones, qua Mixtionem & Compositionem non insigniter alterant, a Contusione grosso modo facta usque ad Solutiones Metallorum & similes.
20. Posterioris generis sunt omnes collectiones partium inter alias pure dispersarum, a Cribratione usque ad Rectificationes & nudas Extractions.
21. Sunt vero operationes hujusmodi aliquæ alterutri parti Chymiae propriæ, aliæ utrique communes.

22. Effectus Chymiae generalissimi sunt Diacrisis Mixtionum & Compositionum oblata, & Syncrisis in novas aut alias.
23. Specialiores sunt I. Naturæ æmuli & cum naturali generatione communes, I. diversi aut proprii.
24. Pro nostro scopo habebimus commodissimam Methodum I. loco ipsa Subjecta inspicimus secundum sua Principia & secundum statum suæ Aggregationis.
25. Deinde, & II. loco, seligamus operationes, quibus magis primario & magis secundo subiacent, & quidem tum ad sui Diacrisin, tum ad novas Syncrises; idque tam quoad statum sui aggregativum, quam intimiorem individualement.
26. Ubi statim tertio loco novum Productum ex talibus Intentionibus & operationibus subjungetur.
27. Occurrunt sub his omnibus notabilia:

(1) Convenientia I. differentia naturalis Mixtionis & utriusque Productorum, an Præparatio cum I. sine separatione obtingat.

(2) Enchirisis.

(3) Utilitas Pharmaceutica & Physica, Chymica quoque pro ulterioribus Operationibus aliis.

S E C T I O I.

De Mobilioribus.

1. Mobiliora Mixta, Composita, imo Aggregata tantum, sunt.

(1) Quæ Aquam in Constitutionem admittunt.

(2) Quæ Terram sulphuream l. Metallicam abundanter continent.

2. Primi ordinis sunt.

(1) Mixta: Aqua subterranea & meteorica quælibet; Spiritus ardentes; Olea & Salia pura.

(2) Composita: Cera, Resinæ, Bitumina, Nitrum, Sal comm. & fossile, Alumen, Borax, Vitriol.

(3) Decomposita: Butyrum antimonii, Sal ammoniacum.

3. Secundi generis sunt.

(1) Mixta: Sulphur, Spiritus vitrioli volatilis, Spiritus nitri, Spiritus salis fumans, Carbones, Fuligo, Regulus Antimonii, Mars, Jupiter, Venus, Arsenicum, Mercurius, Saturnus.

(2) Composita: Antimonium, Cinnabaris, Auripigmentum, Realgar.

4. Mobilitas horum Concretorum consistit partim in Fluiditate, Mollitie, Friabilitate Aggregationis; partim in Volatilitate, Elasticitate, Inflammabilitate, Fusibilitate.

M E M B R U M I.

De Fluidis Chymicæ Subjectis.

1. Fluida Subjecta sunt Aqua , Spiritus , Oleum;
Hæc citra insignem calorem perpetuo fluida &
humida sunt. Fluidum non humidum Mercurius
currens.
2. Cum Calore concurrente fluunt Resinæ , Cera , Bi-
tumina , Sulphur , Vitriolum , Nitrum , Sal com.
Butyrum Antimonii.
3. Accedente copiosiore Fluido fluunt Composita: Ab
Aqueo nempe salia quælibet saturata crystallina,
Vitriol. Alumen , Nitrum , Sal alcali fixum ; &
Volatilia, Sal ammoniacum , Mercurius sublima-
tus , Butyrum Antimonii.
4. Ab Oleoso fluido addito fluunt Resinæ , Cera , Sul-
phur , Bitumen .
5. Operationes ex hac habitudine nascentes sunt Colli-
quatio , Solutio simpliciter deliquatoria , & hujus
Species Extractio .

S E C T I O I.

M E M B R U M I.

A R T I C U L U S I.

De Colliquatione.

1. Fit hac nuda intensione Motus fluidi, quem à Calore pendere aliunde notum est.
2. Liqueantur ita lenissimo gradu Glacies, Olea expressa coagulata.
Auctiore & sensibilibiter tepido Terebinthina, Quem manus non diu toleret, Cera, Bitumen, Butyr. Antimonii, Pix, Sulphur.
3. Proxime candescente Vitriolum, Plumbum, Stannum.
Obscure candente Nitrum, Sal.
Paulo auctiore Salsa Alcalia fixa.
4. Exempla & Usus: Fusio Typorum per Sulphur citrinum fit, si hoc in vasculo eliquatum affundatur Movetæ aut cuicunque Archetypo ex Materia duriore & lævi facto. Idem procedit cum Cera, ps. duriore reddita cum Colophonia, Pice, Mastiche.
5. Attenuatur etiam hac Fusione Aggregatum, ut per minima moveatur adeoque aliquid per minima eidem immisceri queat, ut in Coloratione Cerarum; Unitione Sulphuris & Mercurii pro Cinnabari; Liquefactione Salium pro Corrosionibus aut Separationibus.
6. Plumbum liquatum redigitur hoc modo in minutias, ut tum subtiliori æquationi ponderis docima-

masfici promptius adhiberi possit, tum etiam sabuli vicem in clepsydris subire possit.

- 7 Utriolum crudum Phiolæ aut Cetæ lati fundi impositum balneo ferventi committitur, ita colliquescit in Liquamen, quod continuato calore etiam essentialem alterationem, nempe Compositionis Dissolutionem, patitur.



S E C T I O I.

M E M B R U M I.

A R T I C U L U S II.

De Solutione Deliquatoria.

1. Fit hæc simpliciter per Fluidum proportionatum Aggregato è corporibus deliquabilibus additum. Tale maxime est Aqua.
2. Solvuntur ita Salina Aggregata, Vitriolum, Alumen, Nitrum, Salalcali fix. & volatilia; Tartarus vini; Tartarus vitriolatus.
3. Facillimè deliquescit hoc modo Sal commune; inde Vitriolum, Alumen, Nitrum, Salammoniacum, præ his omnibus Salalcali fixum.
4. Difficilius Tartarus vitriolatus, Arcanum duplicatum, Nitrum antimoniatum, & sulphuratum.
5. Difficillime omnium Tartarus crudus.
6. Exempla & Usus: Usus in omnibus ejusmodi Salibus est maxime pro ipsorum Depuratione, si pallis, arena, pulvere inquinata sint,
7. Tartarus vini cum communissime Limositate pulverulenta squaleat, depuratur ab eadem ipso hoc modo, unde Crystalli tartari.
Tartar. qv. pl. in Aquæ bona quantitate intense bulliendo solvitur, decoctum fervidum colatur per linteum aut manicam laneam, refrigerescens exhibet crystallulos, à quibus subtilior limosa portio abluitur, & reliquum usui servatur.
8. Quo diutius bullit, aut ipsæ Crystalli sæpius ita bulliendo solvuntur, eo fiunt & majores & duriores

res: Unde si illud, quod in frigido decocto adhuc solutum restitat, evaporatione Humoris ad quartas seorsum crystallifatur, fiunt inde Crystalli majores & duriores.

9. Cremor tartari colligitur, si liquamen à bullitione cessans ab allabente aura frigida in superficie stringatur, unde statim in cuticulam concrescit, quæ si cochleari auferatur, exsiccata teratur, album pulverem exhibet, tanto candidiorem si à se-mel jam crystallifato Tartaro fiat,
10. Vitriolum, Alumen, Nitrum, educuntur hoc eodem modo è Mineris, & terra per aquam affusam, non secus ac Lixivium, quod est solutio Salis alcali fixi è cineribus Lignorum duriorum, aut Tartari, repetita infusione aut Decoctione facta, quæ, si evaporetur Humiditas, Sal illud alcali fixum, aut Sal tartari relinquunt. Quemadmodum ante nominatæ Solutiones Vitriolum, Alumen, Nitrum ita præbent,
11. Subtiliorem humiditatem ex ipso aere imbibunt eadem Salia alcalia fixa, unde p. d. diffluunt; Unde

Ol. tart. p. d. ex Tart, ad cinereum colorem calcinato, & deinde super marmore aut vitrea tabula in cellam reposito,

12. Eodem modo diffluit etiam Butyrum Antimonii, si in cellam reponatur.
13. Ipsum sal comm. fusum super lignea tabula in cellam positum, mox ita liquefit.
14. Mercur. sublimat. quoque super ferrea lamina p. d. diffluit.
15. Subjacent huic eidem deliquescentiæ Spiritus acidi cum diversis terris in coagulum redacti, ut Spiritus vitrioli cum Sulphure, Auripigmento; Spiritus nitri cum Creta, Cupro, Ferro; Spiritus

- tus salis cum Calce viva, Marte, Regulo antimonii, Stanno, Acetum cum sale tartari.
16. In genere ad solutionem p. d. facit Aer limpidissimus & serenissimus.
17. Repetita Solutione p. d. & Coagulatione valde attenuantur Subjecta salina ita tractata.



SECTION I.

MEMBRUM I.

ARTICULUS III.

De Extractione Elixioria.

1. Habet hæc locum in omnibus confusaneis Aggregatis in quibus varii generis, corpuscula non connexa sed tantum juxta se invicem posita (non continua sed contigua) occurrunt.
 2. Hujusmodi sunt, præter Mineras & Terras ante dictas Vitrioli, Aluminis, & Nitri feraces & Cineres varios, Vegetabilium maxime Partes.
 3. Ex his eliquatur :
 - (1) Salino-mucido-resinosa Substantia.
 - (2) Resinosa tenuior pinguis portio.
 4. Primi generis sunt Extracta officinalia vulgaria: Absinthii, Agrimoniae, Artemis. CB. Cent. min. & sim.
 5. Secundi generis sunt Resin. Jalapp ; Scammon ; Lign. Guaj ; & sim. Extracta item liquida, quæ vulgo Essentias appellamus.
 6. Extractum Absinthii.
- ℞. Absinthii fascies aliquot , ad ℥.iii , aut virentis comæ, comminuantur, coqu. in aqua. q. s. in diplomate. Expressione facta & subsidentia, evaporetur Decoctum ad consistentiam.

7. *Essentia Jalappæ.*

Rx. Rad. Jalapp. pulv. ℥. ℥. Spiritus vini rectificatissimi ℥. ij. stent in infuso in loco leniter tepido, agitando sæpius per dies duos aut plures; tingeretur Spiritus flavo colore ab imbibita eliquata Resina Jalappæ, qui decantetur.

8. Resina Jalappæ fit ex hac Essentia, si leni sublimatione Spiritus abstrahatur ad 14 remanentiam, & illud residuum in aquam frigidam effundatur, ita ad fundum colligitur albicans primo magma, quod tamen mox in Resinam coit.
9. Hac ipsa ratione fiunt variæ Essentiæ, tam simplices quam compositiæ, ex Herbarum variis partibus resinosa substantia turgentibus.
10. Mineralium & Animalium Partes, cum hujusmodi solubilem substantiam non contineant, nihil largiuntur, sed expectant stricte dictorum Solventium salinorum energiam.
11. E Minerali Regno solum est Succinum, quod ejusmodi Solutionem extractoriam promptius suscipit.
12. Ustatiores hujusmodi Essentiæ sunt, & quidem [1] Simples. Absinth. Artemis. Benz. Beton. Cardb. Castor. Chamædr. Chamæpit. Cort. Aur. Guajac. Hyperic. Imperat. Lign. Aloes, Millefol. Mumia, Myrrhæ, Pini, Sabin, Sassafr. Scord. Succin. Zedoar.
13. Eadem ratione solvuntur & extrahuntur Partes resinosæ è Gummi. Resinis, & rursus dissolvuntur ipsæ Resinæ, unde Solutiones, Essentiæ, & Tincturæ Camph. Gumm. Lacc. Sanguinis Drac. Tacamah. Carann. Mastich. Scammon. Styrac. Ladan. Galban. Elem. Thur. & sim.

14. [2] Compositæ: Elixir Propr. Parac. Stomachica, uterinum Croll. & sim.
Eff. Ambr. Lignor. Compos. Pectoral. Traumat. & sim.
Tinct. Bezoard. MICH. WEDEL, Theriac.
15. Omnia hæc & singula fiunt
- (1) Ex Herbarum s. Vegetabilium Partibus Sapore & odore insigni præditis, simulque consistentiam resinofam exhibentibus.
 - (2) Affusione Spiritus ardentis rectificatissimi & nidore suo, si quem habet, privati, &
 - (3) Leni Digestione cum frequenti agitatione.
16. Non nocet ut sedimento suo supersitet ipsa facta jam Extractio; potest tamen & defundi, & seorsim asservari.
17. De Proportionem Spiritus ad Materiam extractioni exhibendam nihil statim determinari potest, cum tales partes vegetabilium valde variant, pro maturitate, loco natali, & propriæ suæ substantiæ differentia.
18. Herbis pulverifatis affunditur commode tantum Spiritus, ut paulatim superemineat, post lentam digestionem exprimitur.
19. Gummi-Resinis affunditur ad supereminentiam notabilem; effunditur tincta portio, & novus affusus ad extrahendum relinquitur.
20. Si in copia parare libet, fit Extractio cum tanta Quantitate Spiritus, ita ut prima vice paululum superemineat, secunda pariter, imo & tertia; omnes Extractionses junctæ abstrahuntur in Balneo leniter calido, ita transcendit Spiritus ardentis portio, quanta placet, relicto reliquo spissiore.
21. Si scrupulose hoc exsequi placet, abstrahatur omnis Spiritus, ut Extractum in vase remaneat siccum. Huic affundatur denuo de fortiori prima parte, Spiritus modo abstracti parva portio, agitetur

- sæpius, & Balneo tepido impositum solvat quantum potest, effundatur: Residuum denuo affuso paucò Spiritu tractetur eodem modo, donec universum solutum sit.
22. Interim ad Medicum Usum non nocet, si maxime paulo plus Spiritus una maneat aut addatur, quam plane exacta proportio solutionis efflagitat.
23. Juvat ultimo loco hic addere, quod ratione Oleosæ suæ substantiæ ipsa etiam Semina & Nuclei, quibus alba pinguis est medulla, resinosas substantias solvant, & in Liquorem Aqueum invehant.
24. Sunt vero talia: Amygdalæ, Pineæ, Nuces, Nuclei Persicorum, Semen Citri, Aurant; Cardb;
25. Materiæ, quæ ita solvi possunt, sunt Resinæ purgantes, Camphora.

S E C T I O I.

M E M B R U M II.

De Mollibus.

1. Mollia subjecta Chymica vel continent insignem quantitatem actualis fluidi, vel ex speciali connectione particularum laxiore flexilem substantiam tenacem constituunt.
2. Prioris generis sunt Sveculenta quolibet Concreta, sive succus ille magis aqueus existat, sive pinguis oleosus, seu specialissime in Amalgamatione sit Mercurius vivus.
3. Aqueo-Salino succo prædominantem gaudent omnia Vegetabilia viridia & pleræque ipsorum Partes, præcipue vero plurimi Fructus Ciborum.
4. Oleoso-pingui instructi sunt certi tales Fructus & Nuclei atque Semina quædam, ut Olivæ, Nuclei Persicorum, Noces, Amygdalæ, Pineæ & sim. tum & omnia Semina alba medullari substantia prædita, ut Cucurbitæ, Cucumeris, Citrulli, Lini, Melonum, Raparum, Sesamini, & sim.
5. Operatio simplex, qua separantur studiores partes tales, est vel Expressio, qua succus contentus servatur; vel Aquarum Exsiccatio, qua perit succus liquidus.
6. In Oleosorum tamen Exoreffione notandum est, quod Exsiccatio Aquositatis penitior præcedere debeat, citra quam Oleum non procedit.

7. Aquæo-Salinorum succorum Expressioni præmittenda est Contusio penitior aut Concilio subtilior.
8. Quamdiu etiam in Seminibus duris & Nucleis humiditas Oleositati adhuc intertexta est, potest illa intidenti educi per simplicis Extractionis modum lactea facie, quod Emulsionem vocamus: Excorticati scilicet Nuclei, aut cum tenerioribus etiam Corticibus, contunduntur in Mortario ad tenuitatem, quanta possibilis; affunditur paucillum Aquæ, quæ perpetua agitatione pistilli tanquam in pulvem conteritur. Affusa copiosior Aqua lactescit, exprimitur; Residuum denuo cum recenti aqua ita teritur, donec nullam amplius eximiam spissam albedinem elargiatur.
9. Mercurium Metallorum admixtione adulteratum separare inde licet per eandem Expressionem. Infunditur vero per linteamen bombace intertextum, vel per corium. Adulteratio hæc fit cum Plumbo, ita ut visibiliter etiam in volutatione tenacitatem quandam præferat, nec adeo active, ut solet, in globulos abeat; item si Aqua fortis superinfundatur, turbescit solvendo, quia quicquid solvit Mercurii, illud à Plumbo statim præcipitatur.
10. Fluida cætera a Solidis rebus repurgantur & sequestrantur Transcolatione, vel per textum lineum, aut laneum, aut filtraceum, & quidem sacculi forma, quod Manipicam Hippocratis vocant: vel per chartaceum & bibula charta formatum, quod subtilioribus pulverulentis inservit.
11. Eadem subtiliora, imo subtilissima, separantur à fluidis Clarificatione per Albumen Ovi, aut in subacidis per Ichthiocolam.
12. Mollia tenacia sunt v. gr. Agaric. Pulv. Coloc. & sim. Hæc pellium instar lenta resistunt Pulverisationi. Imbibuntur solutione Tragacanthæ & exsic-

exsiccantur, & sic satis fragilia & friabilia evadunt.

13. Succulenta quoque mollia comminuuntur commode Ratione.

14. Mediocriter lenta, ut Partes quædam Animalium, Corpus Vipærarum, Serpentum, Bufones, Laceratæ, Lumbrici, & sim. tundendo non pulverisabilia tritu comminuuntur.



S E C T I O I.

M E M B R U M III.

De Friabilibus.

1. Solida, sicut & sicca Aggregata, comminuuntur partim Contusione in Mortario, partim Trituratione.
2. Ad Contusionem facit exacta Siccitas; semper tamen moderata vi tundere præstat quam nimia, cum in multis corporibus, præcipue è Vegetabilium genere, Gummatosis, Resinosis, & Sulphureis Mineralibus, ipsa Tusione nova compactio oriatur.
3. Tritura vel siccorum est, vel addito liquore continendorum, ne pulvere tenuis dispergantur.
4. Quæ cum Liquore trituri debent, oportet talia esse, quæ nihil à Liquore illo alterentur, Terrea autem Mineralia nihil Salina cum Aqua trituantur super Porphyritem.
5. Vel quæ ab addito Liquore magis densentur, ut Maxillæ Lucii piscis ab Aceto.
6. Ad Concharum triturationem, item Coralliorum, supervacuum est usus Aceti.
7. Aquæ Rosarum additio ad rem nihil valet.
8. Subjacent huic friabili comminutioni tenuiori Terrea sicca quælibet, & in quibus hæc substantia ullo modo prædominatur, omnes Partes Vegetabilium duriores, omnia Mineralia sicca & solida, ductilibus exceptis.
9. Ductilia nimirum pertinent ad Mollia, sed non tam Pharmaceuticæ quam Chymicæ utilitatis sunt.
10. Com-

10. *Comminuuntur Limatione. Malleatione, sive Laminatione. Granulatione; Aliqua tamen & Calcinatione Cineratoria.*
11. *Limam patiuntur omnia Metalla, præter Mercurium.*
12. *In Laminas commode ducuntur Aurum, Argentum, Plumbum, Æs, Cuprum, Stannum.*
13. *Granulantur Stannum, Plumbum, Aurum, Argentum, Æs, Cuprum. Prima duo tenuissime, tria posteriora grossius, usui chymico.*
14. *Calces Cinerarias præbent Æs, Cuprum, Ferrum, Plumbum, Stannum. Enchirisis nulla singularis.*
15. *Adjicimus Pulverum è rebus friabilibus Aquam non imbibentium tenuiori sequestrationi a grossioribus adhuc portionibus Cribrationem & Elutriationem.*
16. *In Cribratione nulla difficultas, nisi quod subtilissimi Pulveris Secretioni a subtili v. gr. Pilulæ rei paulo gravioris addantur ad vibrationem concussionis promovendæ.*
17. *Elutriatio fit per Humorem Aqueum cum Concussione sive Agitatione, ubi tenuiores Partes diutius in suspenso manentes, subsidentibus grossioribus, effunduntur cum Liquore, & longiore mora ad fundum lapsæ, effuso liquore, exiccantur.*
18. *Usum habet non modo in tenuiorum à grossioribus secretionem, sed maxime leviorum à gravioribus in Chymia Metallurgica.*
19. *Communissimo usu appellantur in Pharmacoliis trita Terra os. eminenti significatione Preparata; Quæ spectari possunt in Taxis Pharmaceuticis sub Titulis Pulveris & Præparatorum, ne hic nimis prolixi simus.*
20. *Postremo loco, licet quadantenus alterius capitis subjicio Comminutionem Nitri in copia Pyroboliæ artificibus solennem, ubi nimirum ingentem quantitatem Nitri pauca Aqua fervida dissolutam,*
leni

leni calore iterum evaporata Aqua, sub perpétua agitatione, velut in farinam redigunt.

21. Triturationis peragenda Instrumentum est Lapis planus durior, & satis lævis: Marmor, Porphyrites, Achates, imo etiam semi Silicei communiores; Mortaria etiam ex hujusmodi Lapidibus & ita dicto Serpentino, imo ex Vitro ipso. Quæ, si capaciora & pistillo simplici per Rotas versatili instructa sint, Molæ Philosophicæ nomine hodie insignita, commodiori operationi inserviunt.
22. Ad contundendas res duriores Ferrea Mortaria conferunt; orichalcea enim facile aliquid detrimenti patiuntur, & rei intus comminutæ affricant. Acida Terrea, Salina, in Vitreis, Mercurialia etiam in Lapideis, tunduntur & teruntur.
23. Exempli & Usus: Contusionis æque atque simplicis Trituræ nulla est difficultas.
24. Usus utriusque est in variis solidis tam Vegetabilis & Animalis, quam Mineralis, Regni.
25. Exemplaria habentur in Taxis Pharmaceuticis sub titulis Præparatorum & Pulverum, quo brevitatis gratia remittimus.
26. Alius quoddam tribuere Titulo videtur Langelottus in Epistola ad N. C. ubi tam de Auri diuturno tritu, quam de Reguli Antimonii trituratione in ordine ad Mercurificationem, multa pollicetur: Quæ, longinquæ Operationis, licet de cetero parvi artificii, sint, commodæ Experimentiæ commedanda: Et illud maxime Criterium, an Aurum ita trituratam aliquid specialis usus præbeat? & An Mercurificatio Reguli Antimonii in specie tritur hoc promoveatur? Adhuc forte minus demonstrabile fuerit an alteratio a pure mechanicatione Motu triturationis pendeat: An a physica potius Aeris concurrentis & aliquid materialiter

hæc materia a philosopho in Mercurificatione con-

contribuentis efficacia.

27. Specialissime ad Vitri, Arenæ, Silicum comminutionem confert Ignitio & restinctio in Aqua.
28. In Trituratione super minus duros Lapidēs semper aliquid de Lapide miscetur cum materia trita duriuscula. Quod licet noxam aliquam inferre, arte vero corrigi possit, hoc facere convenit,



S E C T I O I.

M E M B R U M I V.

De Volatilibus.

1. Duplicia sunt hæc ratione Consistentiæ: Humido-fluida & Sicco Solidescentia.
2. Duplicia quoque ratione Impulsoris sive Medii Motorii: Alia ab Igne, alia ab Aere cum Igne, aut Aere solo, ad Motum subeundum agilia.
3. Fluida & Humido fluida sunt
 - (1) Olea distillata aromatica, acria, subtilia.
 - (2) Spiritus Ardentes.
 - (3) Spirituosi halitus odoriferi, Salino Sulphurei, florum & herbarum.
 - (4) Aquea.
 - (5) Resinoso-Oleosa.
 - (6) Salino-Aquea.
 - (7) Mercurius vivus.
4. Sicca & Solidescentia sunt
 - [1] Salia volatilia Acida & Urinosa.
 - [2] Composita Salina, Salino-Metallica ex duobus volatilibus.
 - [3] Sulphur & cum eo mixta pariter volatilia Siccescentia.
 - [4] Arsenicum & Mineralia Sulphure & Arsenico mixta, imo ipsa Metalla intimioribus talibus Mixtis inquinata.
5. Ex his ab Igne maxime pelluntur Olea destillata & crassiora, Mercurius vivus, Salino-Aquea, Acida spissiora, sive Spiritus, & Olea Acida & Butyrum Antimonium; compositi & Salino-Metallica, Acetum, Mercurius sublimatus, Sulphur,

An-

Antimonium, Cinnabaris, Arsenicum, Regulus Antimonii.

6. Ab Igne & Aere eximie concurrentibus Metalla, ut in Cupellatione & in sublimatione Gebriana, licet ibi ratio aliqua intimior syncritica subfit.
7. Tam ab Igne quam ab Aere, tepido & ipso, evolant Salia & Olea volatilia, Spiritus ardentes, Spirituosi halitus odoriferi.
8. A solo etiam Aere, quantumcunque frigido, Spiritus Acidi Minerales vulgares, Principium & substantia Sulphurea primigenia.
9. Salia, quæ ab Aere volatilifantur, volatilifantur tanto magis & citius concurrente calore.
10. Omnia volatilia pelluntur igne, cum pauci etiam Aeris concursu, eoque pure mechanico: exceptis iis quæ maxime ratione principii volatilia sunt, in quibus Aer magis materialiter concurrir.
11. Universæ hæc in præsentī nostra consideratione, quatenus ad Aggregationis solius dissolutionem facit ipsorum volatilitas, sigillatim exsequemur.
12. Segregantur vero hæc volatilia ex Aggregatione reliqua, sive congregatione confusanea, Igne & Aere per Exhalationem & Evaporationem, Distillationem, Distillationem simplicem & repetitam, sive Rectificationem & Dephlegmationem, Sublimationem. Ita quidem, ut Sublimatio & distillatio siccis Soli decentibus; reliqua Fluido-humidis maxime obtingat.

S E C T I O I.

M E M B R U M IV.

A R T I C U L U S I.

De Exhalatione, Evaporatione, & Diffusione.

1. Egent hæc Aere libero & calore proportionato. Evaporatur ita omnis cujuscunque generis Humiditas, Oleosa quoque tenuior, & ipsum Argentum vivum.
2. Exhalatio celebratur in variis rebus exiccandis, ut Partibus Vegetabilium minus Succulentis, & gradum auctiore in ipso Vitriolo & Solutionibus Salinis.
3. Evaporatio in succulentioribus Partibus Vegetabilium, Succis eorundem, Decoctis, Solutionibus Salinis, Amalgamatibus.
4. Diffusio in Materia Regulina Auro admixta.
5. Exsiccatio Vegetabilium, Odoratorum autem sapore acriori præditorum, peragenda est, expandendo eadem super asseres, aut pannos, aut cribra, & in loco umbroso Aeri libero, præcipue Orientalibus ventis concurrentibus, exponendo, versando pro re nata semel, aut bis in die.
6. Vitriolum calore hypocausti calefacti prope fornacem positum exsicceatur, ut in album Pulverem abeat, præcipue aliquoties solutum & crystallifatum.
7. Idem fit, si Solis fervori exponatur: Unde Pulvis sympatheticus.
8. Solutiones Salium evaporantur aut exhalantur pro Crystallificatione, aut Coagulatione.

9. Om-

9. Omnia Salia, etiam in Igne Volatilissima, si magno calore bulliente urgeantur, aliquid cum Vapore de pondere suo amittunt.
10. Evaporatio Mercurii vivi fit in Deuratione & Dealbatione per Experimenta Mechanica, Igne proxime candente, subdio, propter noxium halitum.
11. In Succis & Decoctis evaporandis commode adhibentur vasa Stannea, panda, non profunda, & exponitur vas Aeri libero, præsertim levi vento concurrente.
12. Utique etiam aura, seu levis flatus ad humiditatem cito divaporandam plurimum facit.
13. Eodem etiam tendit agitatio spatula lignea, aut cochleari peragenda, quæ etiam in Salium coagulatione maxime utilis est.
14. Difflatio Reguli ab Auro per Antimonium fustum peragitur commodè in patella Vitrificatoria, leni flatu, si parum Regulinae cum multo Auro hæreat; si contra, in vasculo altiore cucurbiti formi.

S E C T I O I.

M E M B R U M IV.

A R T I C U L U S II.

De Destillatione.

1. Destillatio nihil aliud est nisi Evaporatio in occluso.
2. Requirit sufficientem Quantitatem Aeris; adeoque & Spacii vacui, intra quod vapor expandere sese possit; deinde proportionatum Calorem.
3. Peragitur in Cctis aut Retortis in Aqua calida fervida, Cineribus, Arena, Limatura Martis, cupella occlusa vacua collocatis.
4. Subjacent ipsi omnia Fluida & Humido-Fluida, supra (Membr. IV. §. 3. p. 25.) recensita,
5. Exempla præbent
Oleum Terebinth.
R̄x. Thereb. vulg. aut cypr. ℥. i. ponitur in Ccta Vitrea, aut Terreâ bene Vitreata, aut Metallica, in Mariæ Balneo, applicetur calor ad fervorem usque, transtillat Oleum tenuissimum, vulgo Spiritus Thereb.
6. Quando ex Balneo nihil amplius stillat, ponitur in Arenam, ita prodit Oleum paulo minus limpium, denique flavum, imo rubellum; residuum calide adhuc effusum massa est è flavo rubescens, vulgo Colophonia.
7. Quæ ipsa, si in Retorta ulterius urgeatur calore ex Arena, prodit Oleum spissum, empyreumatici odoris, acre, cum Aquositate acidula non pauca, cujus quidem nonnihil etiam sub ipsis primis

mis destillationibus una prodit.

8. Eodem modo fit Oleum Thereb. si Aqua cum Thereb. misceatur & ex Vesica fiat destillatio, ubi remanens spissa, dura, friabilis massa dicitur Therebinthina cocta, coloris levissime flavescens.
9. Olea destillata Aromatum, Oleum Cinam. Caryoph. Piper. &c. eodem modo fiunt; vel in Retorta Vitrea è balneo sicco Aromata destillando; vel addita Aqua Rosarum, aut Vino Malvatico, imo potius nostrate.
10. Non nocet si nonnihil Sal comm. adjicitur, quando cum Aquis fit destillatio, sed sic quidem nihil specialiter nocet.
11. Olea destillata Plantarum, Seminum, Florum, Radicum Balsamicarum fiunt:
Herbas, sive recentes, sive prius exsiccatas macerando per aliquot dies in Aqua simplici, adjecto uno vel altero manipulo Sal. comm. tum ne fermentescat, tum ut mucida substantia melius mollescat.
12. Macerata ita cum insigni Quantitate Aquæ è Vesica destillantur bulliente quantum potest calore. Ita eliditur Oleosa tenuis substantia ex involucro mucido-resinosa substantiæ, quæ deinceps ab Aqua separatur, vel per infundibulum, vel per filtrum.
13. Parantur ita Olea destillata, prout in Taxis Pharmaceuticis Catalogustalium existit, ex Seminibus, Radicibus, Floribus, Herbis, Lignis, Corticibus, Resinis liquidioribus.
14. Ex spissioribus Resinis & Gummi-Resinis fiunt Olea empyreumatica, simul olentia, ut Oleum Gumm. Anim. Elem. Mastich. Succin.
15. Elegantiora & minus nidorosa & fuliginosa sunt Olea e Resinis, si portio Resinosa per Vinum separatur, & hoc leniter abstracto, demum destillatur.

16. Eodem modo sub destillatione Spirituum è Siccis Concretis, Lignis, Saccharo, Tartaro, Cornu Cervi, Ebore, Fuligine &c. prodit una Oleum tale Empyreumaticum, acre, foetidum, crassum.
17. Specialem enchirisin possunt Oleum comm. sive olivarum, & Cera, quæ sub utraque destillatione ebulliunt [quod quidem & Therebinthina è Retorta destillanda facit] adeoque retinaculo aliquo opus habent.
18. Additur itaque Ceræ Arena bene sicca aut Cineres, quorum posteriorum additione etiam Olea empyreumatica spissa, Tartari, Cornu Cervi & sim. clara transtillant.
19. Oleum Olivarum imbibitur laterum fragmentis, iisque impleta Retorta Igni nudo per gradus augendo imponitur, ita transit Oleum empyreumatici odoris cum Aquositate aliqua.
20. Hæc vero Olea, quæ nudo Igne ad excandescentiam usque residui destillantur, non nuda separatione prodeunt, sed alterationem aliquam simul patiuntur Mixtionis suæ; Unde hoc loco prolixiores esse de iis non licet.
21. Spirituum ardentium partim Destillatio partim nuda Rectificatio est hujus loci: Præparatio vero, seu Generatio alterius.
22. Destillantur calore lenissimo tum è Liquoribus claris fermentatis, Vino vitis, & Saccharini, atque Mulso, Cerevisiis generosioribus; tum è turbidis & feculentis Magmatibus, Fecibus vini, & Magmate farinaceo frugum.
23. Intensiore è feculentis talibus, ob muciditatem; leniore è tenuibus.
24. E feculentis per Vesicam; è tenuibus per Cctam. In Vesica Calor proxime fervens; in Cctis longe minor, satisfacit.
25. E Vesica Vaporis forma transiens refrigerio condensandus est Spiritus, unde Capitellum Vesicæ
ordi-

ordinarium caret limbo; E Ccta in guttas in ipso Alembico redit.

26. Ex ipsa etiam Ccta satis intenso Calore, quantum ferre potest, ne juncturas & lutamenta penetret, pellere convenit; si mitiori pellatur, Aquea effluvia una procedunt: Unde modo satis vegeto transtillant. Si calor mitior applicetur, depravatur ille & dephlegmaticus succedit.
27. Salino-volatiles Urinosi Spiritus rectificantur hac eadem Methodo, dum v. gr. Spiritus Cornu Cervi dilutior, vel etiam rubicundus Oleosus, è Cctula proportionata Calore lenissimo impellitur: Unde primo quidem adscendit & in Alembico accrescit Sal volatile album, quod à succedentibus Aquosis Vaporibus sensim colliquesceus Spiritum bene saturatum ita constituit, remanente in fundo liquamine turbido cum supernatante Oleo fusco.
28. Eadem ratione rectificatur & Oleum Succini, quod simul & semel per Retortam propulsum ex bruno colore fuscum & spissum provenit.
29. Ex Ccta vero in Balneo Mariæ destillatum exhibet
 - 1) Oleum subtile, album, penetratissimum: Augescente æstu
 - 2] aliud flavum;
 - 3] remanent in vase fusco & bruno spissiore.
30. Aquæ simpliciores vel imbutæ sunt manifestis subtilibus partibus Salino-Sulphureis, gustui & odori statim obviis; vel minus quidem sapidis
 - a. statim occurrentibus, revera tamen præsentibus, & aliis modis Sensibus tandem sese offerentibus corpuscolis; vel denique puræ penitus & limpidæ, omnis sensibilis heterogeneitatis expertes.
31. Primi generis sunt: Aqua Ros. fl. Acac. Lil. alb. convall. Menth. Puleg. &c.

32. Secundi generis sunt Aqua Absinth. Cardben. Cent. Min. 3. Fumar. Rorism. Tussilag. &c. quæ sensim, ut & prioris dicti generis, mucescunt, acescunt, putrescunt.
33. Terti generis sunt Ros densatus, Aqua pluvia & rivalis, imo & fontana purior destillata.
34. Mucescunt maxime Aquæ e Vegetabilibus sapidis a. insipidis intensiore calore propulsæ, subalbidæ proinde, cum limpidæ hoc non faciunt: Interim revera efficaciores sunt quamdiu incorruptæ manent istæ puriores: durant vero, modo bene clausæ, & in locis frigidioribus asservatæ.
35. Glaciatio & nimius Calor jugiter ipsis nocet, & ad succedentem mucescentiam atque acescentiam disponit.
36. Destillatio commode fit per Vesicam a. Cctam stanneam in Balneo Mariæ fervido, Alembico Vitreo, a. , si Cupreus sit bene Stannato; Stannei nihil præjudicii inferunt, quod Antiquiores timebant. Si Salino-Sapida sit Aqua talis, præstat Alembicus Vitreus
37. Inter ea, quæ proxima post Aquas difficultate transstillant, est Acetum: Vini hoc esse debet: frumentaria enim ob spissitudinem mucidam & spumidam nihil præbent, quod operæ pretium fecerit, & facile aduruntur.
38. Destillatur insigni Quantitate è Vesica Cuprea Stanno probe obducta, imposito Alembico Vitreo; aut Retorta terrea bene vitreata aut vitrea amplioris colli: Bulliens debet esse Calor.
39. Spiritus reliqui Acidi destillantur e retortis terreis solidis, aut vitreis quoque, maxime Spiritus Nitri, aut ex ipsis Cctis Spiritus Nitri & Sal comm. additis certis mediis.
40. Spiritus nempe ipsi per se vel è Ccta ex Arena transstillari possunt: Antequam vero à suis corporibus, quibus adhærent, liberentur & Aqua
suffi-

sufficienti imbuantur, non modo graviore Ignis impetu, sed etiam patientiore exitu, indigent, ad quod utrumque Retortæ inserviunt.

41. Destillatur ita Spiritus Vitrioli:

Vitr. comm. in Vase terreo evaporatum a. lente super fornacem tempore hyberno in pulverem colapsus, imponitur Retortæ firmæ terreæ supponitur Ignis aptus, augendus ad incandescentiam vasis perpetuam, præponitur Recipiens capax, imposita aliqua quantitate Aquæ pluvix, puræ aut destillatæ; Ita transit successive Spiritus in forma albi fumi, qui sensim sensimque in Aquam imbibitur; Magma acidissimum format.

42. Potest & crudum Vitriolum imponi, sed incommoda habet, quod

1] Leniter pellere oporteat, cum fervido calore imbutum recipiens vas rumpere possit, nisi fictile forte sit;

2] Ipsam Retortam communiter rumpat, cum vasa, quæ incandescentiam ferunt, aqueam humiditatem vix unquam ferant.

3] Jam siccescens Vitriolum ita colliquatum in amplius spacium exturgescendo fere ordinarie dirumpat vasa continentia.

43. Quando jam potiores acidi Spiritus prodierunt, augendo ignem ad incandescentiam valde lucidâ prodit Oleum, nempe Liquor ex fusco nigricans, gravis, extremæ aciditatis, guttatim profluit.

44. Spiritus Sal comm. proximæ gravitati est; Mobilissimus ex his omnibus est Spiritus Nitri.

45. Destillatur cum additione Boli s. limi ex Retorta terrea, igne candente, præposita Aqua puta.

46. Si Retortam rumpi contingat s. fissuras agere, vel nihil prodit in Recipientem, sed statim exhalat per rimas; vel valde alteratum, maxime volatile.

47. Additur Boli triplum, melius sextuplum, imo plus. Ratio est alterius loci. Non amplius infervit Bolus semel usurpatus ad idem negotium repetendum.
48. Spiritus Salcomm. pariter prodit nebulæ albæ instar; Si candente Retorta hæc non procedit, signum est, eam fissam esse.
49. Spiritus Nitri fumi fusci diaphani specie transit.
50. Spiritus Aluminis, si capaci Retortæ inditum Igne urgeatur, dimittit aliquid Spiritus acidī. Ponenda itaque est Retorta, ne exturgescens, quod facit, Alumen transcendat.
51. Collum Retortæ in omnibus operationibus bene amplum esse, maxime utile est.
52. Faciliori negotio transit Butyrum Antimonii & Mercurio sublimato & Antimonio, quod ex Retorta vitrea calore arenæ procedit.
53. Aqua fortis ex Vitriolo & Nitro; & Spiritus Salcomm, ex Alumine & Sale communi juxta Ludovicum leviori negotio, candente tamen vase, procedunt.
54. Mercurius calore proxime candente transstillat ex arena per Retortam vitream. Præponitur pariter Aqua, & mergitur in eam collum Retortæ: Necessitatis tamen hoc ultimum non est.

S E C T I O I.

M E M B R U M IV.

A R T I C U L U S III.

De Rectificatione & Dephlegmatione.

1. Rectificatio nihil aliud est quam repetita Propulsio materiæ volatilæ semel jam destillatæ aut sublimatæ, ut portio volatilior tenuior a reliqua minus subtili seorsim colligi possit.
2. Quando volatile mobilius primo ascendit, remanente segniore, dicitur Rectificatio, tam in humidis fluidis quam siccis.
3. Quando minus nobile s. utile procedit, dicitur Dephlegmatio, Evaporatio &c.
4. Abstractio est appellatio Separationis volatilioris a minus volatili, non æque confusis tantum s. congregatis, sed quadantenus mutuo connexis s. compositis.
5. Rectificantur Spiritus, ardentes & salini volatiles acidi & alcalici urinosi; Olea quoque destillata; Butyr. Antimonii, Oleum Vitrioli; & ex siccis Cinnabaris.
6. Deplegmantur Spiritus salini fixioris acidi: Vitrioli, Salis, Sulphuris, Nitri.
7. Est & Dephlegmatio per Frigus, dum Portio Phlegmatica s. pure aquea in glaciem coalescens a reliqua spirituosâ parte abscedit.

S E C T I O I.

M E M B R U M IV.

A R T I C U L U S IV.

1. Sublimantur Volatilia sicca, tam Mixta: Sulphur Arsenicum, Salia volatilia; quam Composita: Mercurius sublimatus, corrosivus & dulcis, Antimonium, Sal Armoniacum; quin Decomposita: ut cum Armoniaco Ferrum, Hæmatites, Regulus Antimonii.
2. Sublimationes requirunt Calorem Mobiliati Materiæ proportionatum.
Lenissimum, & quem manus fere tolerat, salia urinosa bene volatilia; Paulo proprius ad lenissimam incandescentiam Sulphur & Fl. Benz. Proxime incandescentem Sulphur. Sal Armoniacum, Mercurius sublimatus; Actu candescentem Antimonium, Arsenicum.
3. Vasa requiruntur satis firma & ad vitrescentiam disposita, aut æt vitrea: Omnes enim Materiæ volatiles siccæ summe penetrativæ sunt.
4. Pellantur ex Arena, vasa ampliore & altiore, Sulphur; ampliore minus alto nec profundo in arenam verso, sed arenæ tantum imposito, Sal Armoniacum.
5. Nudo igne vase candente opus habet Antimonium in flores sublimandum. Sublimatur etiam nudis Carbonibus inspersum, ut & Mineræ & Metalla juxta Gebrum.
6. Quo altius quid ascendit fumi s. vaporis pulverulenti forma, Flores appellamus, eo altioribus vasis immittitur, a. pluribus invicem impositis: Aludel vocant Arabes.

7. In Sulphuris sublimatione infimum receptaculum non eousque incalescat, ut Flores eo collecti denuo fluant; neque etiam flamma undecunque ad commissuras Alude admittatur; secus incenditur vapor Sulphureus illas perreptans, & franguntur vasa.
8. Nuda Sublimatio nihil aliud prodest, quam ut
- 1] Tenuissimum pulverem ex Sulphure & Sale Armoniaci, imo etiam Antimonio, perficiat, si congrue instituitur:
 - 2) Volatilius a fixiore elevet, ut in Cinnabari, Mercurio sublimato, corrosivo & dulci.
9. Compositionis connexio, quæ sub ejusmodi actu una fit, potius antecedit Sublimationis momentum, quam ut sub eadem, aut ab eadem fieret.



S E C T I O I.

M E M B R U M V.

De Fluxilibus & Fusione,

1. Colliquatio, quæ sine Humiditatis additamento caloris motu peragitur, Fusionis nomen habet.
2. Subjecta ipsius sunt omnia Pinguia solidescentia Metalla, Vitrea, Salia.
3. E Pinguibus illa, quæ in rigido consistunt, a Cera, Terebinthina, & similibus Resinis vegetabilibus & mineralibus, s. Asphalto ad Sulphur minerale, seu Antimonium ejusque Regulum.
4. Calor sufficit mediocris, & longe infra candescentiam.
5. Vitra usualia sunt Antimonii, Plumbi, curiosa tincta cum aliis Metallis, & commune.
6. Fluunt & mediocri æstu ad flavedinem candente, s. flammante, Vitra Antimonii & Plumbi; reliqua, quo minus de Plumbo participant, tanto majorem vim Ignis requirunt.
7. Metalla, si cum vitris liquecant, cruda nempe, fluxum horum promovent.
8. Metalla funduntur duo antequam actu candescant: Plumbum & Stannum; duo autem cum luculenter candent, Argentum, & Aurum; duo nonnisi summo Ignis æstu: Cuprum & Ferrum
9. Promovent omnium Metallorum Fusionem Vitrum & Salia.
10. Salia, quæ Igne funduntur, sunt Sal comm. Nitrum, Sal Alkali fixum; mirab. Glaub.
11. Non fluunt per se & sine additamento Tartarus Vitriolatus, Arcan. 2. pl. recte purum; cum Sale com. vero aut Sale alcalico fixo funduntur.

12. Con-

12. *Conjunctim* fluunt *Salia* pura simul sumta, nisi quod *Sulphur* cum *Nitro* mixtum valde & diu ebullit.
13. *Sulphur* quoque cum *Salibus* fluit, *Nitro* excepto, quo cum incenditur: continuata tamen adjectione fluit tunc quoque tandem, inverso tamen plane *Nitro*.
14. *Sulphur* cum *Metallis* diversimode se habet: Fluit cum *Cupro*, cum *Argento*, & in vegeto æstu cum *Plumbo* & *Ferro*.
15. Si vero cum *Plumbo* & *Ferro* paulisper ustulatum fuerit, difficillime hæc inde fluunt, imo & *Cuprum* ita tractatum.
16. *Sulphur* cum *Alcali* fixo dissolvit omnia *Metalla*, & fluit cum hoc per longum tempus candendo intensissime; neque tamen exhalat in *Igni*, si *Aeris* liberum commercium absit.
17. In omni *Fusione* candente tegere carbonibus candentibus *Crucibulum* convenit.
18. *Aer* non modo impedit fluxum, si liberior frigidior accedat; sed aufert etiam non parum, si aliquid inflammabile subsit, aut volatile.
19. Recte fusa esse & fluere dicitur materia, si l. ut *Sulphur*, l. ut *Aqua*, l. ut *Oleum*, l. ut *Mel* spissius, deliquescit.
20. Primo modo fluunt *Sal comm.* quod etiam diaphanum fit sub fluxu; *Nitrum*, quod semidiaphanum fit & bullit; *Sal alcali* fixum, quod adiaphanum *Olei turbidi* instar fluit.
21. *Mercurii* vivi faciem fluendo referunt *Metalla*, *Plumbum*, *Stannum*, *Argentum*, *Aurum*, *Cuprum*, *Regulus*.
22. *Mellis* faciem liquidi referunt *Vitra* tenuiora; Spissi aut *Terebinthinæ* commune *Vitrum*.

S E C T I O I.

M E M B R U M VI.

De Solubilibus.

1. Solutio quoad Materiam, quam distrahit, est & ipsa fere Aggregationis tantum diremtio; quoad Modum v. distrahendi ad Compositionis classem spectat. Siquidem per modum Combinationis cum Solutio agit.
2. Fiunt vero Solutiones per principium Salinum, s. purius illud existat, s. in aliqua Compositione hæreat, quæ ulteriorem ipsius activitatem non impediat.
3. Ita Instrumenta Solutionis sunt Salia Acida puriora, s. Spiritus Acidi; Salia alcalina, fixa præcipue, tum & alcalia; Salia mixta, Sal Armoniacum, Vitriolum, Solutiones Vitriolicæ transmutivæ, & denique Sulphur.
4. Acida solvunt omnia Terrea, non actu pinguis, & Metalla.
5. Diversimode tamen tum ratione Efficaciæ, tum ratione Concretionis firmioris, tum ratione Adhæssionis promptioris.
6. Diversa efficacia est, dum non quævis Acida quævis Metalla solvant.
7. Ita enim Acidum Vitrioli promte quidem solvit Zincum, Ferrum, Cuprum; minus promte Plumbum, Mercurium, Argentum, Aurum, Stannum.
8. Acidum Nitri promte solvit Ferrum, Cuprum, Bismutum, Zincum, Argentum Plumbum, Argentum vivum: nequaquam vero Aurum; discerpit pul-

- pulveretenus Stannum, Regulum Antimonii.
9. Acidum Sal. communis solvit Ferrum, Cuprum, Regulum Antimonii, Argentum vivum; non solvit Argentum, Plumbum, Aurum.
 10. Firmitus cohærent cum illis, quæ promptius aggrediuntur Zincum, hinc Ferrum, hinc Cuprum, hinc Argentum vivum, hinc Argentum (quæ solvunt] aut Aurum.
 11. Promptissime omnium aggrediuntur Alcalia fixa, deinde volatilia, deinde Terras macras.
 12. Alcalia fixa solvunt Pinguedines, Sulphur minerale, Cuprum, & Regulum Antimonii.
 13. Alcalia pura nihil eximie solvunt præter Cuprum. Sal Armoniacum, ratione Acidi sui, solvit Ferrum & Regulum Antimonii.
 14. Omnia hæc Salia peragunt has suas solutiones partim in forma fluida humida, Aquosa; partim etiam in forma fluida, sicca, Ignita.
 15. In Aquoso-humida omnes spiritus Acidi & Lixivium alcalinum.
 16. In sicca ignea Vapores acidi spirituosos in cæmentationibus, Sal Armoniacum, Alkali fixum Igne fusum, Sulphur minerale.
 17. Solvit Sulphur omnia Metalla, excepto Auro; cum Alkali v. hoc ipsum quoque & omnia Metalla.
 18. Per se redigit Metalla in massam friabilem; cum Alkali in pulverem; Alkali fixum solvit Sulphur fusionem in Igne & tenet fortiter, cum comburi, sed inflammari non possit, nisi Aer libere accedat. Unde in vase clauso Ignem fusionis per multas horas tolerat.
 19. Inter omnia Solutionum hujusmodi Requisita non postremum est Proportio Solventis ad Solvendum.
 20. Nititur hoc maxime.
 - 1) Subtilitate s. tenuitate *ut* solvendi.
 - 2) Consistentia ipsius jam antea plus minus salina.
 21. Crassiorum & semi-salinorum magnam quantitatem

- tem adsciscunt s. imbibunt Solventia; Tenuissimorum & purius terreorum exiguum.
22. Ita Limaturæ Martis & Alkali plurimum assumunt omnia Acida Solventia; Cretæ & similium Terreorum tenuiorem satis parum.

INDEX CAPITUM,

Proœmium Pag. 9.

Seçt. una de Mobilioribus 12.

Membr. I. de Fluidis Chymicæ Subjectis 13.

Artic. 1. de Colliquatione 14.

2. de Solutione Deliquatoria 16.

3. de Extractione Eliquatoria 19.

Membr. II. de Mollibus 23.

Membr. III. de Friabilibus 26.

Membr. IV. de Volatilibus 30.

Artic. 1. de Exhalatione, Evaporatione, Difflatione 32.

2. de Destillatione 34.

3. de Rectificatione & Dephlegmat. 41.

4. de Sublimatione 42.

Membr. V. de Fluxilibus & Fusione 44.

Membr. VI. de Solubilibus 46.

F I N I S.

